

# Vjerovatnoća i statistika

## Slučajne veličine apsolutno-neprekidnog tipa

1. Slučajna promjenljiva  $X$  zadata je gustinom

$$\varphi_X(x) = \begin{cases} A \cdot \cos 2x & , \quad -\frac{\pi}{4} \leq x \leq \frac{\pi}{4} \\ 0 & , \quad x < -\frac{\pi}{4}, x > \frac{\pi}{4} \end{cases}$$

Odrediti:

- (a) konstantu  $A$ ;
- (b) funkciju raspodjele  $F_X(x)$ ;
- (c) vjerovatnoću  $P\{0 < X < \frac{\pi}{8}\}$ .



(a) Konstantu  $A$  određujemo iz uslova:

$$1 = \int_{-\infty}^{+\infty} \varphi_X(x) dx = \int_{-\frac{\pi}{4}}^{\frac{\pi}{4}} A \cdot \cos 2x dx = \frac{A}{2} \sin 2x \Big|_{-\frac{\pi}{4}}^{\frac{\pi}{4}} = A.$$

(b) Za  $t \leq -\frac{\pi}{4}$ ,  $F_X(t) = P\{X < t\} = 0$ .

Za  $-\frac{\pi}{4} < t \leq \frac{\pi}{4}$ ,

$$F_X(t) = P\{X < t\} = \int_{-\infty}^t \varphi_X(x) dx = \int_{-\infty}^{-\frac{\pi}{4}} 0 dx + \int_{-\frac{\pi}{4}}^t \cos 2x dx = \frac{1 + \sin 2t}{2}.$$

Ako je  $t > \frac{\pi}{4}$ ,

$$F_X(t) = P\{X < t\} = \int_{-\infty}^{-\frac{\pi}{4}} 0 dx + \int_{-\frac{\pi}{4}}^{\frac{\pi}{4}} \cos 2x dx + \int_{\frac{\pi}{4}}^t 0 dx = 1.$$

$$F_X(t) = \begin{cases} 0, & t \leq -\frac{\pi}{4}, \\ \frac{1 + \sin 2t}{2}, & -\frac{\pi}{4} < t \leq \frac{\pi}{4}, \\ 1, & t > \frac{\pi}{4}. \end{cases}$$

(c)  $P\{0 < X < \frac{\pi}{8}\} = \int_0^{\frac{\pi}{8}} \varphi_X(x) dx$  ili pomoću funkcije raspodjele


$$P\{0 < X < \frac{\pi}{8}\} = F_X\left(\frac{\pi}{8}\right) - F_X(0) = \frac{\sqrt{2}}{4}.$$



2. Poluprečnik kruga ima raspodjelu  $X : \mathcal{U}(a, b)$ ,  $a, b > 0$ . Naći funkciju raspodjele i gustinu za površinu kruga  $Y$ .



Važi  $Y = X^2\pi$ .



Za  $t \leq a^2\pi$  je  $F_Y(t) = P\{Y < t\} = 0$ .

Za  $a^2\pi < t \leq b^2\pi$  je

$$F_Y(t) = P\{Y < t\} = P\{X^2\pi < t\} = P\left\{a < X < \sqrt{\frac{t}{\pi}}\right\} = \frac{\sqrt{\frac{t}{\pi}} - a}{b - a}.$$

Za  $t > b^2\pi$  je  $F_Y(t) = 1$ .

Funkcija gustine:


$$\varphi_Y(t) = \begin{cases} \frac{1}{2(b-a)\sqrt{\pi t}}, & t \in (a^2\pi, b^2\pi), \\ 0, & \text{inače.} \end{cases}$$



3. Na duži  $AB$  dužine  $m$  slučajno se bira tačka  $C$ . Naći raspodjelu slučajne veličine koja predstavlja površinu pravougaonika čije su stranice jednake dužima  $AC$  i  $BC$ .



Neka je  $|AC| = X$ . Tada je  $X : \mathcal{U}(0, m)$ . Neka je slučajna veličina  $Y$  jednaka površini pravougaonika čije su stranice  $AC$  i  $BC$ . Važi  $Y = X(m - X) = -X^2 + mX$ .



Za  $t \leq 0$  je  $F_Y(t) = P\{Y < t\} = 0$ .

Za  $0 < t \leq \frac{m^2}{4}$  je

$$\begin{aligned}
 F_Y(t) &= P\{Y < t\} = P\{-X^2 + mX < t\} = P\{X^2 - mX + t > 0\} \\
 &= P\{X \in (0, x_1) \cup (x_2, m)\} \\
 &= P\{X \in (0, x_1)\} + P\{X \in (x_2, m)\} \\
 &= \frac{m - \sqrt{m^2 - 4t}}{2m} + \frac{m - \sqrt{m^2 - 4t}}{2m} \\
 &= 1 - \frac{\sqrt{m^2 - 4t}}{m}.
 \end{aligned}$$


Za  $t > \frac{m^2}{4}$  je  $F_Y(t) = 1$ .



4. U pravouglom koordinatnom sistemu  $xOy$  iz tačke  $A(a, 0)$ ,  $a > 0$ , se na slučajan način (pod slučajnim uglom  $\alpha$ ) povlači poluprava koja presijeca  $Oy$ -osu. Naći gustinu slučajne veličine  $Y$  koja predstavlja ordinatu tačke presjeka poluprave sa  $Oy$ -osom.



$\alpha : \mathcal{U}\left(-\frac{\pi}{2}, \frac{\pi}{2}\right)$ .



Važi  $\frac{Y}{a} = \operatorname{tg} \alpha$ .

Za  $t \in \mathbf{R}$  je

$$\begin{aligned} F_Y(t) &= P\{Y < t\} = P\{a \operatorname{tg} \alpha < t\} = P\left\{\operatorname{tg} \alpha < \frac{t}{a}\right\} \\ &= P\left\{-\frac{\pi}{2} < \alpha < \operatorname{arctg} \frac{t}{a}\right\} \\ &= \frac{\operatorname{arctg} \frac{t}{a} + \frac{\pi}{2}}{\pi} \\ &= \frac{1}{2} + \frac{1}{\pi} \operatorname{arctg} \frac{t}{a}. \end{aligned}$$

Funkcija gustine je

$$\varphi_Y(t) = F'_Y(t) = \frac{a}{\pi(a^2 + t^2)}, \quad t \in \mathbf{R}.$$

►

5. Štap dužine 1 se lomi na dva dijela. Neka je  $X_1$  dužina kraćeg, a  $X_2$  dužina dužeg dijela. Naći gustine slučajnih veličina  $X_1$  i  $X_2$ .

◄

Označimo krajnje tačke štapa sa  $A$  i  $B$ . Neka je  $T$  tačka u kojoj se štap lomi. Tada je

$$|AT| = W : \mathcal{U}(0, 1) \quad \text{i} \quad X_1 = \min\{W, 1 - W\}.$$

Za  $t \leq 0$  je  $F_{X_1}(t) = P\{X_1 < t\} = 0$ .

Za  $0 < t \leq \frac{1}{2}$  je

$$\begin{aligned} F_{X_1}(t) &= P\{X_1 < t\} = P\{\min\{W, 1 - W\} < t\} \\ &= 1 - P\{\min\{W, 1 - W\} \geq t\} \\ &= 1 - P\{W \geq t, 1 - W \geq t\} \\ &= 1 - P\{t \leq W \leq 1 - t\} \\ &= 2t. \end{aligned}$$

Za  $t > \frac{1}{2}$ ,  $F_{X_1}(t) = 1$ . Dakle,  $\varphi_{X_1}(t) = \begin{cases} 2, & t \in (0, 1/2) \\ 0, & \text{inače} \end{cases}$ .

Funkciju raspodjele za  $X_2$  uraditi za vježbu.

►

6. Slučajno se bira tačka unutar pravougaonika sa stranicama dužine 2 i 1. Neka je  $X$  rastojanje izabrane tačke do najbliže stranice pravougaonika. Naći raspodjelu slučajne veličine  $X$ .

◄

Neka je dat pravougaonik  $ABCD$  sa stranicama dužine 2 i 1. Neka su  $X_1, X_2, X_3, X_4$  rastojanja slučajno odabrane tačke do stranica  $AB, BC, CD, DA$ , redom. Tada je


$$X = \min_{i=1,4} X_i.$$

Ako je  $t \leq 0$ , onda je  $F_X(t) = 0$ .

Ako je  $t > \frac{1}{2}$ , onda je  $F_X(t) = 1$ .

Neka je  $t \in (0, \frac{1}{2}]$ . Tada je

$$F_X(t) = P\{X < t\} = P\left\{\min_{i=1,4} X_i < t\right\} = 1 - P\left\{\min_{i=1,4} X_i \geq t\right\} \\ = 1 - P\{X_1 \geq t, X_2 \geq t, X_3 \geq t, X_4 \geq t\}$$



$$= 1 - \frac{m(G)}{m(ABCD)} = 1 - \frac{(1-2t)(2-2t)}{2} = 3t - 2t^2.$$

Dakle,

$$F_X(t) = \begin{cases} 0, & t \leq 0 \\ 3t - 2t^2, & 0 < t \leq \frac{1}{2} \\ 1, & t > \frac{1}{2}. \end{cases}$$


►

7. U kvadratu dužine stranice 1 slučajno se bira tačka  $T$ . Naći raspodjelu slučajne veličine  $Z$  koja je jednaka rastojanju od tačke  $T$  do najbliže stranice kvadrata.

◄

Prvi način: pogledati prethodni zadatak.

Drugi način.




Ne umanjujući opštost pretpostavimo da je tačka  $T$  pripada trouglu  $\triangle EBS$ .

Ako je  $t \leq 0$ , onda  $F_Z(t) = 0$ .

Ako je  $t > \frac{1}{2}$ , onda  $F_Z(t) = 1$ .

Neka je  $t \in (0, \frac{1}{2}]$  i neka je  $p$  prava paralelna sa  $AB$  i  $d(p, AB) = t$ . Događaju  $\{Z < t\}$  'odgovara' da tačka  $T$  pripada trapezu  $EBKL$ , gdje su  $K$  i  $L$  presječne tačke prave  $p$  sa pravama  $DB$  i  $EG$ , redom.



$$F_Z(t) = \mathbb{P}\{Z < t\} = \frac{m(EBKL)}{m(\triangle EBS)} = \frac{\frac{\frac{1}{2} + \frac{1}{2} - t}{2} \cdot t}{\frac{1}{8}} = 4t(1 - t).$$

Dakle,

$$F_Z(t) = \begin{cases} 0, & t \leq 0 \\ 4t(1 - t), & 0 < t \leq \frac{1}{2} \\ 1, & t > \frac{1}{2}. \end{cases}$$

►

8. U kvadratu dužine stranice 1 slučajno se bira tačka  $T$ . Naći raspodjelu slučajne veličine  $Z$  koja je jednaka rastojanju od tačke  $T$  do nekog fiksiranog tjemena kvadrata.


◄

Neka je  $Z$  rastojanje od tačke  $T$  do tjemena  $A$ .

Ako je  $t \leq 0$ , onda je  $F_Z(t) = 0$ .


Ako je  $t > \sqrt{2}$ , onda je  $F_Z(t) = 1$ .

Neka je  $t \in (0, 1]$ . Događaju  $\{Z < t\}$  'odgovara' da tačka  $T$  pripada isječku  $AEF$ .



$$F_Z(t) = \mathbb{P}\{Z < t\} = \frac{m(AEF)}{m(ABCD)} = \frac{t^2\pi}{4}.$$

Neka je  $t \in (1, \sqrt{2}]$ . Događaju  $\{Z < t\}$  'odgovara' da tačka  $T$  pripada oblasti  $ABEFD$ .



$$F_Z(t) = \mathbb{P}\{Z < t\} = \frac{m(ABEFD)}{m(ABCD)} = \sqrt{t^2 - 1} + \frac{t^2}{2} \left( \frac{\pi}{2} - 2 \operatorname{arctg} \sqrt{t^2 - 1} \right).$$

